

**Namminersorlutik Oqartussat pigisaannik sillimmasiisarfirmmik pilersitsinerup iluaqu-tissartai aammalu aporfissarisinnaasaasa misissorneqarnissaanik, tamatumunnga ilanngullugu pilersitsinerup suut piunasaqaatitariumaagai, soorlu aningaasartuutissat aammalu sulisussat pillugit Naalakkersuisut peqquneqarnissaannik Inatsisartut aala-jangiiffigisassaattut siunnersuut.**

(Inatsisartunut Ilaasortaq Anthon Frederiksen, Partii Naleraq)

### **Akissuteqaat**

(Inuussutissarsiornermut, Suliffeqarnermut, Niuernermut Nunanullu Allanut Naalak-kersuisoq)

## **1. Siullermeerneqarnera**

Siunnersuut manna aqqutigalugu pisortat sillimmasiisarfirmmik pilersitsinissaannut periarfis-sanik misissuisoqarnissaa pillugu Naalakkersuisut peqquneqarnissaat kissaatigineqarpoq.

Siunnersuuteqarnermut tunngavilersuummi § 37 naapertorlugu apeqquteqaat nr. 17 (2015) innersuussutigineqarpoq, tassanilu erseqqissarneqarpoq Namminersorlutik Oqartussat 2014-imi sillimasiinernut 32,5 mio. kr.-nit missaannik akiliuteqarsimasut.

Siunnersuut apeqqutinik marlunnik imaqarpoq. Siullermik ilumut Namminersorlutik Oqar-tussat sillimmasiisarfirmmik Nunatsinni innutaasunit atorneqarsinnaasumik pilersitsissanersut. Aappaattullu ilumut Namminersorlutik Oqartussat sillimmasiisarfik nalinginnaasoq aqquti-galugu sillimmasernatik ingerlatseqatigiiffik taaneqartoq aqqutigalugu sillimmasiisassanersut.

Siunnersuummi apeqquserneqartumut siullermut tunngatillugu nalunaarutigissavara Naalak-kersuisut aallaaviatigut suliffeqarfimmik ingerlatsinissamik kissaateqanngimmata, tamatuma-ni suliffeqarfiit namminersortut sulianik taamaattunik naammassinnissinnaappata. Ullumik-kut nunatsinni pilersinneqartunik sillimmasiisarfeqarpoq, taakkulu sillimmasiisarfiit allat as-sigalugit nunatsinni sulipput aammalu nunani allani piginnittutik aqqutigalugit ilisimasaqarlu-arlutik Nunatsinni suliffeqarfiit pilersissallugit ajornartorsiuteqarfigalugillu ingerlatiinnarsin-naanngisaannik, pingaartumik suliffeqarfik pisortanit ingerlanneqartoq eqqarsaatigalugu. Tamannalu tunngavigalugu Naalakkersuisut inuinnarnut sullitanut sillimmasiisarfirmmik Namminersorlutik Oqartussanit pigineqartumik pilersitserusunngillat, taamatummi sullissineq suliffeqarfinniit namminersortunit isumagineqareemat.

Tassungalu atatillugu aamma erseqqissarneqassaaq sillimmasiinernut akiliutit ilarpassui pisarnejq malillugu taarsiinerit aqqutigalugit utertinneqartarmata. Taamaammallu uani ilanngaaseereernani sillimmasiinermut akiliutigineqartunut aningaasartuutit pineqarput, taakkualu ilanngaaseereerluni sillimmasiinermut akiliutigineqartuniit § 37 napertorlugu apeqqutigalugit taaneqartuniit annikinnerujussuupput.

Taakku saniasigut Naalackersuisut massakut Namminersorlutik Oqartussat sillimmasiisarnerannut misissuinernik suliaqarmata nalunaarutigissavara, taakkunanilu ilaavoq nunatsinni kommunit imaluunniit aktieselskabit Namminersorlutik Oqartussanit pigineqartut ilaat peqatigalugit sillimmasiinikkut sillimmatinut akiliutigineqartut appartinnissaannut sutigut periarfissaqarnerseq misissuiffigineqarmat.

Siunnersuummi apeqquuserneqartumut tulliusumut tunngatillugu nalunaarutigissavara aqqis-suussinernik taaneqartumik atuisoqalernissaa Naalackersuisut kissaatiginngimmasuk.

Namminersorlutik Oqartussani arlaleriarluni angisuunik ajoqusertoqartarsimavoq, tamakkulu iluarsiiiffiginialugit 100 mio. kr.-nit qaangerujussuarlugit akeqartarsimapput. Namminersorlutik Oqartussat ingerlatseqatigiiffimmi Namminersorlutik Oqartussanit pigineqartumi sillimmaserneqarsimasuuppata akiligassiissutigineqartut Nunatta Karsianut, taamaalillunilu akileraartartunut, toqqaannartumik nassiunneqarsimassagaluarput, matumani ingerlatseqatigiiffiup ingerlatseqatigiiffiup aningaasaqarnera aqqutigalugu taarsiissutigineqartussat akilersinnaassanngippagit. Taamaalisoqarnerani sillimmasiisarfik Namminersorlutik Oqartussanit pigineqartoq pisortat aningaasaqarnerannut malunnaatilimmik aarlerinartorsiortitsiler-tussaavoq. Tamannalu aarlerinartortaqrpoq, Naalackersuisullu eqqarsartaasiat malillugu sipaarniuteqarfiusinnaanani.

Taamaammallu Naalackersuisut isumaqarput sillimmasiisarfiuteqarneq paasiuminaatsoqarsinnaasoq, aningaasatigullu sillimmateqarnissaq pisariaqartinneqartussaalluni. Tamakkulu tunngavigalugit nunatsinni innuttaasunik sullissisoqarnissaani sillimmasiisarfirmik pisortanit pigineqartumik pilersitsineq aqqutigalugu ingerlatseqatigiiffinnut namminersortunut unammillertuunissaq Naalackersuisut kissaatiginngilaat, taamatuttaarlu Namminersorlutik Oqartussat illuutaasa, sulisuisa allallu ingerlatseqatigiiffimmi Namminersorlutik Oqartussanit pigineqartumi sillimmasertarnissaat kissaatiginangilaq, tamannami aarlerinartortaqrpal-laaqaaq.

Taamaammat siunnersuutip itigartitsissutigineqarnissaa Naalackersuisut inassutigaat.